



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 414
e – mail: info@voda.ba

Broj: **UP-1/21-1-40-145-2/22**
Datum: **24.03.2022. godine**

«Agencija za vodno područje rijeke Save» Sarajevo rješavajući po zahtjevu proslijeđenom od strane Ministarstva privrede Kantona Sarajevo, podnesenom od strane fizičkog lica Merima Pošković, za donošenje rješenja o prethodnoj vodnoj saglasnosti za izgradnju vikend objekta na zemljištu označenom kao k.č. 1584/17 K.O. Kamenica, u mjestu Kamenica, općina Ilijaš, na osnovu člana 109. stav (2), Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98 i 48/99) **donosi**

ZAKLJUČAK

1. Odbacuje se zahtjev podnesen od strane fizičkog lica Merima Pošković za donošenje rješenja o prethodnoj vodnoj saglasnosti za izgradnju vikend objekta na zemljištu označenom kao k.č. 1584/17 K.O. Kamenica u mjestu Kamenica, općina Ilijaš, jer je na osnovu činjenica utvrđenih u toku vođenja postupka ocijenjeno da predmetna aktivnost (uređenje navedene parcele namjenjene izgradnji vikend objekta) nema specifičnih uticaja na režim voda kako je to propisano članom 109. stav (2) Zakona o vodama i nema uslova za vođenje postupka.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, što uključuje i odgovarajući vodni akt kantonalnog ministarstva nadležnog za vode, a sve u skladu sa važećim zakonskim propisima, odlukama, uredbama i dr.

Obrazloženje

Ministarstvo privrede Kantona Sarajevo dostavilo je dana 22.03.2022. godine zahtjev za donošenje rješenja o prethodnoj vodnoj saglasnosti, fizičkog lica Merima Pošković, za aktivnost izgradnje vikend objekta na zemljištu označenom kao k.č. 1584/17 K.O. Kamenica, u mjestu Kamenica, općina Ilijaš, na nadležno postupanje.

Uz zahtjev je dostavljena slijedeća dokumentacija:

- Odluka o utvrđivanju plana parcelacije građevinskog zemljišta za izgradnju apartmanskog naselja "Kamenica" u mjestu Kamenica — Crna Rijeka ("Službene novine Kantona Sarajevo" broj: 19/2016);
- Zaključak Općine Ilijaš broj: 05/1-19-2439/20 od 30.10.2020. godine, o prekidu postupka donošenja urbanističke saglasnosti za izgradnju vikend kuće, do rješenja prethodnog pitanja – odobrenja za promjenu namjene zemljišta;
- Mišljenje Ministarstva prostornog uređenja, građenja i zaštite okoliša broj: 05-19-49285-2/20 VI od 10.12.2020. godine, o potrebi ishodovanja okolinske dozvole za krčenje šume u cilju promjene namjene zemljišta;
- Mišljenje Općine Ilijaš broj: 05/1-19-2439/20 od 24.12.2020. godine;
- Mišljenje Kantonalnog zavoda za zaštitu kulturno-historijskog i prirodnog naslijeđa Sarajevo broj: 04-41/20 -ZO8 od 06.01.2021. godine;
- Akt Zavoda za planiranje razvoja Kantona Sarajevo broj: 06-19-348/21 od 08.02.2021. godine sa Izvodom iz prostornog plana Kantona Sarajevo;
- Stručno mišljenje Zavoda za planiranje razvoja Kantona Sarajevo broj: 06-19-928/21 od 16.03.2021. godine;
- Obavijest Općine Ilijaš broj: 05/1-19-2439/21 od 17.09.2021. godine, upućeno Ministarstvu privrede Kantona Sarajevo o dostavljanju lokacijske informacije za predmetnu parcelu;
- Kopija katastarskog plana za k.č. 1584/17 K.O. Kamenica;
- Zemljišnoknjižni izvadak broj zk.uloška 1819 K.O. Kamenica.

Na osnovu uvida u raspoloživu dokumentaciju utvrđeno je slijedeće:

- U Ministarstvu privrede Kantona Sarajevo se vodi postupak promjene namjene šumskog zemljišta u građevinsko za parcelu k.č. 1584/17 K.O. Kamenica, općina Ilijaš te je isto ministarstvo proljedilo zahtjev za izdavanje prethodne vodne saglasnosti za izgradnju vikend objekta na predmetnoj parceli.

- Predmetna parcela je u obuhvatu plana parcelacije građevinskog zemljišta za izgradnju apartmanskog naselja „Kamenica“ u mjestu Kamenica - Crna rijeka („Službene novine Kantona Sarajevo“ broj: 19/2016).
- Sukladno stručnom mišljenju Zavoda za planiranje razvoja Kantona Sarajevo broj: 06-19-928/21 od 16.03.2021. godine nadležna služba Općine Ilijaš treba da postupi u skladu sa planom parcelacije građevinskog zemljišta za izgradnju apartmanskog naselja "Kamenica" u mjestu Kamenica — Crna Rijeka.

Uvažavajući stavove iz mišljenja Federalnog ministarstva poljoprivrede, vodoprivrede i šumarstva broj 07-1-58/2-1557/19EK od 11.10.2019. godine u pogledu podjele nadležnosti za izdavanje vodnih akata, odnosno postupanje u skladu sa odredbama člana 109. stav (2) Zakona o vodama, a u vezi sa članom 139. istog Zakona utvrđeno je slijedeće:

- Na predmetnoj parceli izvršene su predradnje u smislu uređenja zemljišta što je uključilo i uklanjanje/krčenje šume i rastinja;
- Uvidom u informacioni sistem voda AVP Sava, prema dostupnim podacima, konstatovano je da se predmetna zemljišna čestica ne nalazi u zonama sanitarne zaštite izvorišta vode za piće, niti u blizini vodotoka koji bi mogli biti pod uticajem predmetne aktivnosti;
- Ukupna površina predmetne zemljišne čestice iznosi 1.061 m²;
- Predmetna zemljišna čestica je integralni dio prostora obuhvaćenog dokumentom „Odluka o utvrđivanju plana parcelacije građevinskog zemljišta za izgradnju apartmanskog naselja "Kamenica" u mjestu Kamenica — Crna Rijeka" ("Službene novine Kantona Sarajevo" broj: 19/2016) koji je osnova za dalje postupanje u ovom predmetu;
- Cijeni se da obim zahvata u prostoru koji se odnose na pripremu zemljišta za gradnju vikend objekta ne može uticati na promjenu režima voda;
- Na predmetnom lokalitetu neće biti produkcije tehnoloških otpadnih voda kao rezultata tehnološkog postupka, kao ni oborinskih onečišćenih voda, kako je to utvrđeno odredbama člana 3. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20 i 96/20), odnosno nema ispuštanja otpadnih voda u smislu odredbi članom 139. stav (1) tačka 3. Zakona o vodama.

Na osnovu prednjeg i provedenog postupka, a shodno odredbama člana 109. stav (2), a u vezi sa članom 111. Zakona o vodama utvrđeno je da predmetna aktivnost ne može trajno, povremeno ili privremeno uticati na promjenu režima voda, niti će se na predmetnoj parceli producirati tehnološke otpadne vode, te je riješeno kao u dispozitivu zaključka,.

Iz razloga naprijed navedenih, a u skladu s članom 109. stav (2) i 111. Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:


Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- Merima Pošković, Džemala Bijedića broj 160 D/II, Sarajevo
- Ministarstvo privrede Kantona Sarajevo, Reisa Dž. Čauševića 1, 71000 Sarajevo
- AVP Sava, ISV – Vodna knjiga
- ⊖ Sektor 40, arhiva
- Oglasna ploča AVP Sava